

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
STRUČNA SLUŽBA GRADONAČELNIKA

Primijeno: 10-04-2023			
Org. jed.	Kl. ozna.	Red. broj	Br. priloha
01	04	978/23	

Broj: 02-04-932/23-AP-2
Datum: 07.04.2023. godine

GRADSKO VIJEĆE ZAVIDOVIĆI
n/r PREDSJEDAVAJUĆEM GRADSKOG VIJEĆA
gospodin Admir Fojnica

PREDMET: Izvještaj o radu Zdravstvenog savjeta Grada
Zavidovići za 2022. godinu, dostavlja se

U prilogu akta dostavljam Vam Izvještaj o radu Zdravstvenog savjeta Grada Zavidovići za 2022. godinu.

Izvještaj o radu Zdravstvenog savjeta Grada Zavidovići za 2022. godinu, dostavljam Gradskom vijeću Zavidovići radi uvrštavanja u dnevni red sjednice Gradskog vijeća.

S poštovanjem

Dostavljeno:

1. Naslovu,
2. U spis.



GRADONAČELNIK

doc. dr. Hašim Mujanović

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
Zdravstveni savjet Grada Zavidovići



Broj: 02-33-1349/21-AP-43
Datum, 05.04.2023.godine

-Stručna služba Gradskog vijeća
-Stručna služba Gradonačelnika
-OVDJE-

PREDMET: Izvještaj o radu Zdravstvenog savjeta Grada Zavidovići za 2022.godinu,
dostavlja se.

Poštovani,

U prilogu ovog akta dostavljam Vam Izvještaj o radu Zdravstvenog savjeta Grada Zavidovići za 2022.godinu, kako bi isti bio razmatran na sjednici Gradskog vijeća Zavidovići u skladu sa Planom rada Gradskog vijeća Zavidovići.

S poštovanjem,

Dostavljeno:

- 1) Naslovu,
- 2) a/a.

Predsjednik Zdravstvenog savjeta
Grad Zavidovići

Muamer Hrvic, prof.



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
Zdravstveni savjet Grada Zavidovići



Broj:02-33-1349/21-AP-40
Datum, 20.02.2023.godine

Predlagač: GRADONAČELNIK ZAVIDOVIĆI

Razmatra: GRADSKO VIJEĆE ZAVIDOVIĆI

IZVJEŠTAJ

o radu Zdravstvenog savjeta Grada Zavidovići
za 2022.godinu

Obradivač: ZADRAVSTEVNI SAVJET GRADA ZAVIDOVIĆI

I UVODNI DIO

Na osnovu člana 14. Zakona o zdravstvenoj zaštiti ("Službene novine Federacije Bosne i Hercegovine", broj:46/10 i 75/13), člana 66. Zakona o pravima, obavezama i odgovornostima pacijenata ("Službene novine Federacije Bosne i Hercegovine", broj:40/05), člana 39. i 104. d Statuta Općine Zavidovići ("Službeni glasnik Općine Zavidovići", broj:5/2008, 5a/2008 i 11/19), Rješenja Općinskog načelnika o imenovanju Zdravstvenog savjeta Općine Zavidovići, broj:02-04-3217/20 od 21.04.2021.godine i Rješenja Općinskog načelnika o dopuni Rješenja o imenovanju Zdravstvenog savjeta Općine Zavidovići imenovan je Zdravstveni savjet Općine Zavidovići.

Gore navedenim Rješenjima Općinskog načelnika imenovan je Zdravstveni savjet Općine Zavidovići u sljedećem sastavu:

1. Hrvic Muamer, predsjednik-predstavnik Općine Zavidovići iz reda zaposlenih;
2. Hadžić Amira, član-predstavnik zdravstvene ustanove JU "Dom zdravlja" Zavidovići;
3. Starčević Manuela, član-predstavnik zdravstvenih komora Ze-do kantona sa područja lokalne zajednice;
4. Hamzić Edina, član-predstavnik zdravstvenih komora Ze-do kantona sa područja lokalne zajednice;
5. Džinić Benis, član-predstavnik zdravstvenih sindikata;
6. Kaknjašević Ferid, član-predstavnik zdravstvenih radnika iz reda privatnih praksi sa područja lokalne zajednice;
7. Čamdžić Mirsad, član-predstavnik Crvenog križa općine Zavidovići;
8. Čatić Amira, član-predstavnik udruženja žena iz registrovanog Udruženja žena sa područja lokalne zajednice;
9. Ibrahimpašić Nedžib, član-predstavnik Udruženja penzionera;
10. Mušić Nermana, član-predstavnik pacijenata sa područja lokalne zajednice;
11. Čelebić Vahdeta, član-predstavnik registrovanih udruženja koja se bave zaštitom i pravima pacijenata;
12. Halilović Belma, član-predstavnik registrovanih udruženja koja se bave zaštitom i pravima pacijenata;

Mandat članova Zdravstvenog savjeta traje do 21.04.2025.godine.

U skladu sa Zakonom o pravima, obavezama i odgovornostima pacijenata i Rješenjima o imenovanju Zdravstveni savjet obavlja sljedeće poslove:

- predlaže i evaluira provođenje zdravstvene zaštite na području grada Zavidovići;
- daje mišljenja na planove i programe zdravstvene zaštite za područje grada Zavidovići;
- predlaže mjere za poboljšanje dostupnosti i kvaliteta zdravstvene zaštite;
- prati povrede pojedinačnih prava pacijenata i predlaže preduzimanje mjera za zaštitu i unaprijeđenje prava pacijenata na području grada Zavidovići;
- prati primjenu propisa na području grada Zavidovići koji se odnose na zaštitu prava i interesa pacijenata;
- predlaže preduzimanje mjera za zaštitu i unaprijeđenje prava pacijenata na području grada Zavidovići;
- obavještava Zdravstveni savjet u Kantonalnom ministarstvu o slučajevima teških povreda prava pacijenata koje mogu ugroziti živote ili zdravlje pacijenata;

- podnosi godišnji izvještaj o svom radu Gradskom vijeću i Zdravstvenom savjetu Kantonalnog Ministarstva zdravstva, a kvartalno dostavlja izvještaj o svome radu Gradonačelniku putem Službe za upravu društvenih djelatnosti, pitanja boraca i opću upravu Grada Zavidovići;
- obavještava javnost o povredama pacijenata, kao i važnim pitanjima u svrhu boljeg upoznavanja pacijenata o aktuelnim stvarima;
- obavlja i druge poslove i zadatke u skladu sa Zakonom o pravima, obavezama i odgovornostima pacijenata i Zakonom o zdravstvenoj zaštiti;
- donosi Poslovnik o radu Savjeta kojim će bliže urediti organizaciju i način rada, kao i izradu izvještaja i informacija nadležnim organima, te drugih akata, koji se budu tražili od Zdravstvenog savjeta.

U obavljanju poslova, iz svoje nadležnosti, Zdravstveni savjet je ovlašten upozoravati, predlagati i davati preporuke.

Zdravstveni savjet je ovlašten nadležnim tijelima državne uprave, tijelima lokalne samouprave, nadležnom ministarstvu zdravstva, zavodima zdravstvenog osiguranja, zdravstvenim ustanovama, privatnim praksama, komorama iz područja zdravstva predlagati poduzimanje mjera za spriječavanje štetnih djelovanja koja ugrožavaju prava i interese pacijenata i zahtijevati izvješće o poduzetim mjerama.

Zdravstveni savjet je obavezan podnositi godišnji izvještaj o svom radu Gradonačelniku, Gradskom vijeću i Zdravstvenom savjetu kantonalnog ministarstva zdravstva.

II OCJENA STANJA

Zdravstveni savjet Općine Zavidovići konstituisan je 21.04.2021.godine. Tokom 2022.godine održano je ukupno 12 (sjednica) sjednica Savjeta.

Na prvoj sjednici Zdravstvenog savjeta, održanoj dana 28.01.2022.godine, Zdravstveni savjet je razmatrao i usvojio Nacrt Izvještaja o radu Zdravstvenog Savjeta za 2021.godinu. Na prijedlog Ferida Kaknjaševića donesen zaključak da se iz nacrta ukloni smjernica za održavanje tematske sjednice vijeća o stanju zdravstvenog sistema zbog iziskivanja velikih troškova za održavanje iste.

Jednoglasno donesen zaključak da JU "Dom zdravlja" Zavidovići dopuni dio nacrta o stanju zdravstvenog sistema i broju zaprimljenih primjedbi i sugestija.

Na drugoj sjednici Zdravstvenog savjeta, održanoj dana 04.02.2022.godine, Zdravstveni savjet je razmatrao i jednoglasno usvojio Izvještaj o radu Zdravstvenog savjeta Općine Zavidovići za 2021.godinu.

Na trećoj sjednici Zdravstvenog savjeta, održanoj dana 30.03.2022.godine, razmatran je i usvojen Godišnjeg plana i programa Zdravstvenog savjeta za 2022.godinu.

**GODIŠNJI PLAN I PROGRAM RADA
ZDRAVSTVENOG SAVJETA GRADA ZAVIDOVIĆI ZA 2022.GODINU**

RB	Vrijeme	Aktivnost	Mjesto održavanja	Nosioc aktivnosti	Napomena
1.	Januar	Razmatranje Nacrta Godišnjeg Izvještaja o radu ZS-a za 2021.g.	Grad Zavidovići	Zdravstveni savjet Grada Zavidovići	
2.	Februar	Razmatranje i usvajanje Godišnjeg Izvještaja o radu ZS-a za 2021.g	Grad Zavidovići	Zdravstveni savjet Grada Zavidovići	
3.	Mart	Razmatranje i usvajanje Godišnjeg plana rada Zdravstvenog savjeta Općine Zavidovići	Grad Zavidovići	Zdravstveni savjet Grada Zavidovići	
4.	April	Analiza stanja mentalnog zdravlja na području Grada Zavidovići	Grad Zavidovići	Zdravstveni savjet Grada Zavidovići	
5.	Maj	Izrada informacije o Radu i organizaciji privatnog sektora u zdravstvu na području Grada Zavidovići	Grad Zavidovići	Zdravstveni savjet Grada Zavidovići	
6.	Juni	Izrada informacije o palijativnoj skrbi na području Grada Zavidovići.	Grad Zavidovići	Zdravstveni savjet Grada Zavidovići	
7.	Juli	Uloga Zdravstvenog savjeta u zaštiti prava pacijenata na području Grada Zavidovići	Grad Zavidovići	Zdravstveni savjet Grada Zavidovići	
8.	Avgust	Analiza poštivanje Kodeksa medicinske etike i deontologije	Grad Zavidovići	Zdravstveni savjet Grada Zavidovići u saradnji sa menadžmentom zdravstvenih ustanova	
9.	Septembar	Rad i funkcionisanje Službe hitne medicinske pomoći	Grad Zavidovići	Zdravstveni savjet Grada Zavidovići u saradnji sa	

				menadžmentom zdravstvenih ustanova	
10.	Oktobar	Analiza stanja zdravlja stanovništva i stanja zdravstvenog sistema na području Grada Zavidovići	Grad Zavidovići	Zdravstveni savjet Grada Zavidovići u saradnji sa menadžmentom zdravstvenih ustanova	
11.	Novembar	Razmatranje Izveštaja o zaprmljenim i riješanim prigovorima pacijenata	Grad Zavidovići	Zdravstveni savjet Grad Zavidovići	
12.	Decembar	Analiza rada Zdravstvenog savjeta Grada Zavidovići i priprema Izveštaja za 2022.godinu	Grad Zavidovići	Zdravstveni savjet Grada Zavidovići	

Napomena: U skladu sa potrebama i promjenom okolnosti ostavlja se mogućnost Zdravstvenom Savjetu Grada Zavidovići izmjene i/ili dopune Godišnjeg plana i programa rada.

Na četvrtoj sjednici Zdravstvenog savjeta, održanoj dana 21.04.2022.godine, razmatrana je i usvojena Analiza stanja mentalnog zdravlja na području grada Zavidovići.

Analiza stanja mentalnog zdravlja na području grada Zavidovići prezentirana je od strane psihijatra dr Namika Keserovića.

U izlaganju dr. Keserovića sumirano je sljedeće:

Centar za mentalno zdravlje pri JU Dom zdravlja Zavidovići egzistira od 1996.godine kada je izvršena reforma organizacija službi mentalnog zdravlja.

Usluge koje pruža Centar za mentalno zdravlje svojim korisnicima su sljedeće:

- Usluge dijagnostike i određivanja medikamentoznog tretmana;
- Davanje depo oblika psihotika;
- Individualna i grupna psihoterapija;
- Okupaciona terapija;
- Krizne intervencije;
- Koordinirana briga/plan njege uključivanja korisnika i porodice u oporavak;

Centar za mentalno zdravlje vrši edukaciju mentalnog zdravlja na lokalnom nivou, a najčešće u školama (međuvršnjačko nasilje).

Značajan faktor za efikasan rad CMZ-a je saradnja sa drugim subjektima kao što su MUP i Centar za socijalni rad Zavidovići.

Trenutno registrovani pacijenti u CMZ Zavidovići su:

- Psihoze 290 (26 na depo preparatu);
- Depresije 96;
- PTSP 56;

- Alkoholizam 20;
- Ostali (anksiozni poremećaji, prolazna reaktivna stanja, somatizacijski poremećaji, poromećaji ličnosti...)

Mentalno zdravlje stanovništva u gradu Zavidovići za vrijeme pandemije covid 19 je bilo narušeno kao i svugdje u svijetu. Što se tiče organizacije CMZ-a početkom pandemije stanovništvo je obaviješteno putem sredstava informisanja da se javlja na određene brojeve telefona (facebook stranice, radio stanice) da bi se im pružila psihosocijalna podrška. Na telefone su se javljali psihijatar i psiholog. Stanovništvo se javljalo najviše zbog strahova od novonastale situacije, ali i drugih informacija vezano za redovnu terapiju i pregled ljekara u slučaju potrebe. Najviše je dakle bilo anksioznih stanja u smislu paničnih napada, pojačane nervoze i napetosti. Putem telefona se razgovaralo sa ljudima gdje su im objašnjene neke od relaksacionih tehnika, tehnika disanja i na šta da se fokusiraju u slučaju intenzivnog straha. Također se pandemija dosta odrazila na osobe koje su od ranije vulnerabilnije kao što su pacijenti sa dijagnozom PTSP-a, u smislu jače nervoze, niskog frustracionog praga i košmarnih snova, te osobe koje su imale niz drugih hroničnih oboljenja. Kod mlađe populacije se javljao strah od gušenja i panični ataci za vrijeme pozitivnih rezultata korona testa iako nisu imali težu kliničku sliku. Pacijenti koji su imali teži oblik bolesti COVID-19 nakon hospitalizacije imali su kognitivne smetnje: bili su konfuzni, žalbe na zaboravljanje...

Također su se kod nekih osoba javljale kratkotrajne reaktivne psihoze kod kojih od ranije nije bilo drugih psihičkih oboljenja. Zabilježeni su slučajevi sa neurološkim smetnjama u smislu trnjenja ekstremiteta, tremora ruku i slično. Treba da napomenemo da je i medicinsko osoblje bilo izloženo kontinuiranom stresu jer smo se i mi prvi puta susreli sa nečim što nije do sada poznato i nije bilo smjernica u liječenju bolesti covid-19.

Na petoj sjednici Zdravstvenog savjeta, održanoj dana 30.05.2022.godine, Zdravstveni savjet je razmatrao i usvojio Informaciju o radu i organizaciji privatnog sektora u zdravstvu na području Grada Zavidovići prezentiranu od strane dr Ferida Kaknjaševića.

Na području grada Zavidovići postoje registrirane: jedna poliklinika, četiri specijalističke ordinacije, šest stomatoloških ordinacija te pet privatnih apoteka u sklopu apotekarske privatne prakse.

Sve ispunjavaju zakonom predviđene uslove u pogledu prostora i opreme i imaju odobrenja za rad od nadležnih instanci.

Većina navedenih nisu ugovorne zdravstvene ustanove tj. njihove usluge ne pokriva Zavod zdravstvenog osiguranja Zeničko-Dobojskog kantona.

Zdravstvena ustanova, odnosno zdravstveni djelatnik, ukoliko nemaju status ugovorne zdravstvene ustanove, tj. ugovornog zdravstvenog djelatnika, ne mogu opterećivati sredstva obaveznog zdravstvenog osiguranja, odnosno svoje usluge ostvarivati na teret Zavoda zdravstvenog osiguranja. Jedini izuzetak čine troškovi medicinske pomoći pružene osiguranoj osobi u hitnom slučaju.

Takođe ne mogu propisivati lijekove sa esencijalne liste.

Zbog svega navedenog odnos javnog i privatnog sektora u sistemu zdravstvene zaštite je jako komplikovan i opterećen svakodnevnim problemima u ostvarivanju prava i zaštite prava pacijenata.

Obzirom da je u nadležnosti Ministarstva zdravstva praćenje funkcionisanja i razvoja sistema zdravstvene zaštite i zdravstvenog osiguranja isto se u nekoliko navrata u zadnjih 10-12 godina pokušavalo uključiti u rješavanje problema oko priznavanja nalaza kao i uputnica za bolničko liječenje, izdatih od strane ljekara iz privatnog zdravstvenog sektora.

Naime, po zaključcima (br.11-37-12330-1/10) sa sastanka na inicijativu Asocijacije privatnih zdravstvenih radnika i ljekarske komore Ze-Do kantona od 17.05.2010. god., kojem u su prisustvovali predstavnici Zavoda zdravstvenog osiguranja i Ministarstva zdravstva obavezuju se javne ustanove na području kantona da uvažavaju uputnice i drugu medicinsku dokumentaciju iz registriranih privatnih ustanova.

Isti zaključci su potvrđeni odlukom ministra od 14.11.2011. god.(br.11-37-12300-2/10) i još su na snazi.

Obzirom da su odnosi javnog i privatnog sektora opterećeni problemima i nejasnoćama kako od strane ljekara tako i od strane pacijenata predlaže se da zdravstveni savjet predloži određene preporuke kako slijedi:

- Obzirom na gore navedene zaključke, nalazi i druga medicinska dokumentacija iz privatne prakse trebaju se uvažavati, naročito imajući u vidu da imamo jedno Ministarstvo, jednu Ljekarsku komoru i svi podliježemo istim zakonskim procedurama pri registraciji i licenciranju
- Priznavanje bolovanja iz privatne prakse;
- Mogućnost da privatni zdravstveni radnici propisiju lijekove sa esencijalne liste;
- Zbog nedostatka ljekarskog kadra intezivirati saradnju javnog i privatnog sektora i međusobnog ugovaranja na principima javno-privatnog partnerstva na fer osnovi;
- Formiranje lokalnog povjerenstva koje bi se bavilo provedbom odredaba Zakona o zaštiti prava pacijenata, koji jamči ravnopravnost svim građanima u dostupnosti zdravstvene zaštite, te edukacijom pacijenta i medicinskog osoblja o pravima pacijenata.

Na šestoj sjednici Zdravstvenog savjeta, održanoj dana 27.06.2022.godine, razmatrana je i usvojena Informacije o palijativnoj skrbi na području Grada Zavidovići sačinjena od strane člana dr Edine Hamzić.

U navedenoj informaciji dr. Edina Hamzić informisala je Zdravstveni savjet o sljedećem:

Palijativna njega je briga za teško i neizlječivo bolesne, te umiruće osobe i njihove porodice. Palijativna njega u prvi plan stavlja bolesnika i porodicu, pružajući im podršku nastojeći bolesniku osigurati dostojanstven život do kraja. Palijativna njega niti skraćuje niti produžava život, ali poboljšanjem bolesnikove kvalitete života može uticati na sam tok bolesti.

U zaključenom Ugovoru o međusobnim odnosima u pružanju zdravstvene zaštite u 2022.godini između Zavoda zdravstvenog osiguranja Ze-do kantona i JU Dom Zdravlja Zavidovići tačno su navedene i opisane zdravstvene djelatnosti koje se moraju sprovoditi. Između ostalog tu je Zdravstvena njega u zajednici-urbano područje i Zdravstvena njega u zajednici-ruralno područje.

Zdravstvena njega u zajednici podrazumjeva sljedeće usluge, a koje su u skladu sa Naredbom o standardima i normativima primarne zdravstvene zaštite iz obaveznog zdravstvenig osiguranja u FBiH:

- Brza analiza krvi i urina u kući;
- Davanje intravenske infuzije u stanu bolesnika;
- Davanje klizme u stanu bolesnika;
- Davanje subkutane ili intramuskularne injekcije u stanu bolesnika;
- EKG snimanje u stanu bolesnika;
- Previjanje rane ili opekotine;
- Promjene urinarnog katetera;
- Uzimanje materijala u kući za laboratorijske analize;
- Posjeta oboljelih od malignih neoplazmi, diabetes mellitusa, oboljelih od kardio vaskularnih i cerebrovaskularnih oboljenja;
- Posjeta mentalno oboljelim pacijentima,

- Posjeta oboljelim od mišićne distrofije.

Ove zdravstvene djelatnosti se izvršavaju kroz Službu porodične medicine i opće medicine.

Služba porodične medicine organizovana je u Domu zdravlja Zavidovići na 1 lokaciji sa ukupno 14 timova. Svi timovi porodične medicine u svom programu rada osim rada u ordinaciji imaju obavezu obavljanja kućnih posjeta. Kućne posjete su predviđene za teže oboljele pacijente od malignih ali i svih drugih hroničnih oboljenja kao i zbog akutnih oboljenja koje za posljedicu imaju ograničenje pokretljivosti. Pacijenti imaju mogućnost telefonskog dogovaranja termina kućne posjete, a u slučaju hitnosti intervencije ukoliko TOM ima slobodan termin izađe u kućnu posjetu, a ukoliko već ima zakazane termine drugih pacijenata pošalje se sanitetsko vozilo da dovede pacijenta na pregled u ordinaciju.

U kućnim posjetama obavljaju se pregledi pacijenata, gore već navedene usluge, a i daju savjeti pacijentu i ukućanima vezani za njega pacijenta.

U periodu od 01.01. do 24.06.2022.godine izvršene su sljedeće kućne posjete:

Mjesec	Kućna posjeta doktora	Kućna posjeta Med. tehničara	Oboljelih od malignih bolesti	Oboljelih od diabetes mellitusa	Ostale hronične bolesti
Januar	22	120	20	55	45
Februar	17	118	17	46	55
Mart	16	119	16	34	69
April	20	161	33	42	86
Maj	17	119	41	33	45
Juni	15	104	15	26	63
Ukupno	110	741	142	236	363

Nakon diskusije po pitanju navedene informacije u kojoj su učešće uzeli članovi Savjeta Kaknjašević Ferid, Edina Hamzić, Benis Džinić i Muamer Hrvic Zdravstveni savjet je donio jedoglasan Zaključak o prihvatanju informacije prezentirane od strane dr Edine Hamzić.

Zdravstveni savjet je također donio Zaključak da se zdravstveni savjet pismeno obrati JU Dom zdravlja Zavidovići sa preporukom da se na području Grada Zavidovići napravi kalkulacija troškova pokretanja Ambulante za palijativnu skrb (troškovi ljudski, infrastrukturni i ostali troškovi) i razmotri mogućnost pokretanja iste ili formiraju 2 mobilna tima za palijativnu skrb uz kalkulaciju troškova za rad istih.

Za navedeni zaključak glasalo je 7 prisutnih članova Savjeta dok je član Benis Džinić bio protiv navedenog zaključka.

Na sedmoj sjednici Zdravstvenog savjeta, održanoj dana 28.07.2022.godine, razmatrana je Uloga Zdravstvenog savjeta u zaštiti prava pacijenata na području Grada Zavidovići.

Razmatrajući Uloga Zdravstvenog savjeta u zaštiti prava pacijenata na području Grada Zavidovići predsjednik Zdravstvenog savjeta istakao je da se predstavnici Zdravstvenog savjeta koji ne dolaze iz zdravstvenog sektora trebaju angažirati više u prezentaciji problematike populacije koju predstavljaju. Također je potrebno da se iznesu određene konstruktivne ideje i prijedlozi, a ne da učešće u radu savjeta uzimaju isključivo članovi koji dolaze iz zdravstva i lokalne samouprave.

Po navedenom pitanju Vahdeta Čelebić informisala je Savjet da Udruženje "Budućnost-Za" sačinjava informaciju koju će pismeno dostaviti Savjetu, a u kojoj će biti definisana problematika na koju članice nailaze. Također je istakla da su to uglavnom problemi koji se tiču vršenja određenih snimanja na koja članice dugo vremena čekaju.

Nedžib Ibrahimpašić istakao je da se u Udruženju penzionera na sastancima puno ne problematizira ovo pitanje, te da je problem penzionera uglavnom nabavka lijekova koje većina penzionera koji imaju teže zdravstvene poteškoće nije u mogućnosti kupiti jer isti uglavnom primaju minimalnu penziju.

Ferid Kaknjašević naveo je da su prava pacijenata uvijek gorući problem i da su određeni pacijenti ugroženi jer ne mogu plaćati određene lijekove zbog niskih ili nikakvih primanja.

Istakao je također finansijsku problematiku zdravstvenih ustanova zbog nedovoljnih sredstava uzrokovane teškom ekonomskom situacijom u zemlji navodeći primjer JU "Dom zdravlja" Maglaj koji je u 2021.godine poslovao sa gubitkom zbog potrebe povećanja cijena usluga pacijentima, te naveo da je ovu informaciju OV Maglaj usvojilo.

Također je naveo da u vezi zaštite prava pacijenata a vezano za palijativnu skrb organizacija Health Care International organizuje edukacije o mobilnim timovima.

Na osmoj sjednici Zdravstvenog savjeta, održanoj dana 31.08.2022.godine, razmatrana je anonimna molba roditelja oboljelog djeteta od dijabetesa tipa 1. Naime, oko 120 djece kako je navedeno u molbi na području Zeničko-dobojskog kantona sa ovim tipom bolesti nije u mogućnosti da pomagala (senzore) za bezbolno i kontinuirano mjerenje šećera u krvi kupiti na domaćem tržištu. U zahtjevu se traži da ZZO ZDK uveze navedena pomagala na domaće tržište iz inostranstva i da ista budu uvrštena na esencijalnu listu lijekova.

Zdravstveni savjet je donio jednoglasan zaključak da se navedeni problem inicira na sastanku zdravstvenih savjeta ZDK sa predstavnicima Ministarstva zdravstva i ZZO ZDK.

Na devetoj sjednici Zdravstvenog savjeta, održanoj dana 28.09.2022.godine, razmatrana je Analiza poštivanje Kodeksa medicinske etike i deontologije. Član Savjeta dr Amira Hadžić informisala je Savjet o stanju poštivanja Kodeksa medicinske etike i deontologije. U kraćem crtama je informisala da je stanje poštivanja kodeksa na zadovoljavajućem nivou i da nije bilo ozbiljnijih primjedbi na rad osoblja u prva tri kvartala 2022.godine.

Na desetoj sjednici Zdravstvenog savjeta, održanoj dana 26.10.2022.godine, razmatrana je informacija o Radu i funkcionisanje Službe hitne medicinske pomoći i Analiza stanja zdravlja stanovništva i stanja zdravstvenog sistema na području Grada Zavidovići.

Izvještaj o radu i funkcionisanju Službe hitne medicinske pomoći ispred JU "Dom zdravlja" Zavidovići podnio je dr. Mirel Čizmić.

U izvještaju je rezimirano sljedeće:

Služba hitne medicine pomoći (SHMP) Zavidovići je služba u sastavu JU Dom zdravlja Zavidovići, smještena u centraloj zgradi. Služba radi kontinuirano 24 sata kao dežurna služba, a njen primarni zadatak je hitno medicinsko zbrinjavanje osoba kojima je zbog bolesti, stradanja ili povrede neposredno ugrožen život, pojedini organ ili dijelovi tijela, odnosno kod kojih bi u kratkom vremenu moglo doći do životne ugroženosti, a u cilju maksimalnog skraćivanja vremena od nastanka hitnog stanja do početka liječenja, odnosno upućivanja na daljnje liječenje i hitni medicinski transport ka zdravstvenim ustanovama većeg nivoa ukoliko za to postoji indikacija.

Prostorno, služba raspolaže sa 2 ordinacije, 2 inetrvencije, hiruškim dijelom za primarno hiruško zbrinjavanje rana, te „Dnevnom bolnicom“ kapaciteta 8 kreveta (5 kreveta za odrasle osobe i 3 dječija kreveta) za potrebe opservacije pacijenata.

Kadrovski, služba raspolaže s 4 radna medicinska tima, te 1 tim u pripravnosti, a od toga:

- 4 doktora (2 doktora specijaliste urgentne medicine i 2 doktora opće medicine),
- 10 medicinskih sestara/tehničara sa SSS.
- pripravni tim 1 doktor i 2 medicinska tehničara/sestre (za slučaj potrebe više timova)

Oprema sa kojom se raspolaže je:

-pored obavezne medicinske i medikamentozne opreme, kao i neobavezne ali preporučene opreme, služba posjeduje i 10 vozila:

- 8 vozila za hitnu medicinsku pomoć,
- 2 vozila za medicinski prevoz.

Kontakt broj telefona je: 124.

EDUKACIJA: SHMP u saradnji s menadžmentom JU "Dom zdravlja" Zavidovići, radi na kontinuiranoj edukaciji i usavršavanju kadrova, kako organizovanjem edukacija unutar same ustanove, tako i upućivanjem na edukacije van ustanove, te na taj način nastoji pratiti smjernice i novitete u samom sektoru zdravstvene usluge u domenu SHMP.

U protekloj 2022.godini, u SHMP obavljeno je 11 186 pregleda, te 58 727 usluga, 353 intervencije na terenu/kući, 571 hitni medicinski prevoz, uključujući i hitnu medicinsku pomoć zaključeno sa datumom 26.10.2022. Analiza rada SHMP pokazala je da je odnos između hitnih medicinskih slučajeva i onih koji to nisu 20% : 80% u korist slučajeva koji nisu hitni, a što je rezultat uvriježenog mišljenja da hitna medicinska služba radi sve; od pregleda grla, ispiranja ušiju i kontrole krvnog pritiska do sklanjanja beskućnika i alkoholičara sa ulice itd...

Zbrinjavanjem stanja koja nisu hitna oduzima se mogućnost timu hitne medicinske pomoći da izađe na nophodnu intervenciju, te se time umanjuje šansa za izliječenje i preživljavanje onih kojima je pomoć u tom trenutku nužna.

Analizu stanja zdravlja stanovništva i stanja zdravstvenog sistema na području Grada Zavidovići izložio je dr Benis Džinić:

U toku ove godine do septembra ukupno je bilo 193 226 pregleda / 155 898 u 2021- za isti period /.

Broj usluga iznosi 638 184 / 506 108 u 2021 godini /.

Opća medicina- 27 640 / 25 153, 2021 godine /, porodična medicina- 73 924 / 50 864, 2021 /, Pedijatrija -15 385 / 11 840, 2021 /, Ginekologija i akušerstvo- 6161 / 6564, u 2021 /, ATD - 1578 / 1335 u 2021 /, SHMP – 10 365 / 9215 u 2021 /, HES – 1041 / 1081 u 2021 /, Fizikalno 3196 / 2749 u 2021 /, CMZ – 4773 / 4626 u 2021 /, RTG – 5684 / 4761 u 2021 /, Specijalisti / Okulista, traumatolog, dermatolog, urolog, ortoped, neurohirurg, vaskularni hirur, internista, ORL, hirur- 18 341 / 15 942 u 2021 /, stomatologija – 3299 / 3712 u 2021 /, lab- 21839 / 18 425 u 2021 /.

MALIGNNE NEOPLAZME: u 2022 godini je prijavljen 21 novotkriveni slučaj malignoma, od toga deset muškaraca, 11 žena, / 2020 npr 26 za isti period /.

Najčešći otkriveni karcinom je karcinom dojki, zatim karcinom kože, pluća, debelog crijeva.

HRONIČNA OPSTRUKTIVNA BOLEST PLUĆA: 1200 pacijenata koji se liječe u ATD

TUBERKULOZA: 11 novoprijavljenih slučajeva u 2022

HIPERTENZIJA: 5694 pacijenta na terapiji

DIABETES MELLITUS: ukupno na terapiji 2262 pacijenta, od toga 601 pacijent su inzulin ovisni, a 1661 pacijent su na peroralnoj terapiji.

COVID 19: 3935 ukupno od početka pandemije od 9363 testiranih

ukupno umrlih je 161 od covid 19.

1700 SLUČAJEVA / 23 SMRTNA SLUČAJA / U 2022 ,

37 SMRTNIH SLUČAJEVA U 2020 GODINI,

101 SMRTNI SLUČAJ U 2021,

OSTALE ZARAZNE BOLESTI : Ukupno 54 / hepatitis b- 2 slučaja, hepatitis c -1 slučaj, salmonelloza – 2 slučaja itd .

Na jedanaestoj sjednici Zdravstvenog savjeta, održanoj dana 29.11.2022.godine, razmatran je Izvještaj o zaprimljenim i riješenim prigovorima pacijenata.

Predsjednik Savjeta informisao je isti da u ovoj godini nije bilo konkretnih prigovora niti sugestija izuzev podneska Udruženja djece oboljele od dijabetesa.

Dr Kaknjašević istakao je da bi trebalo biti prigovora u svrhu bolje organizacije Zdravstvene zaštite s pretpostavkom da je problem izostanka primjedbi i sugestija u građanstvu koje ne nalazi adekvatan način da izrazi svoje negodovanje i nezadovoljstvo ili jednostavno ne želi da javno iznese svoj problem.

Od strane Predsjednika Savjeta navedeno je stranke odustaje od prigovora zbog podnošenja obrasca na koji treba staviti svoj potpis što dovodi do zaključka da se pacijenti boje revanšizma od strane zdravstvenih radnika ili da jednostavno nisu sigurni u to što iznose ili nekih drugih sličnih razloga.

Dr Kaknjašević predlaže da se pronade način i da se građanstvu objasni da ih niko neće pozvati na neku odgovornost, ako prilože neke prigovore ili sugestije, s tim bi samo pomogli ljekarima kao i čitavom timu da se poboljšaju nepravilnosti u zdravstvu.

Na dvanestoj sjednici Zdravstvenog savjeta, održanoj dana 21.12.2022.godine, razmatrana je Analiza rada Zdravstvenog savjeta Grada Zavidovići i priprema Izvještaja za 2022.godinu.

Član Savjeta Ferid Kaknjašević rezimirao je kako se rad Savjeta može ocjeniti zadovoljavajućim uz veoma važnu napomenu kao i prošle godine da nemedicinski dio Savjeta koji ne dolazi iz oblasti zdravstvenih ustanova mora biti aktivniji.

Nemedicinski dio Savjeta koji predstavlja građanstvo pasivan je a isti bi trebao biti taj koji nameće teme i koji sugeriše članovima Savjeta koji pružaju usluge određene izmjene kako bi se stanje korisnika zdravstvenih usluga i populacije koju oni predstavljaju unaprijedilo.

Također je napomenuo da se nada da će se zaključak koji je Savjet jednoglasno, a tiče se unaprijeđenja sistema palijativne skrbi na području grada i angažovanja dodatnih timova na implementaciji istog, biti realizovan od strane JU "Dom zdravlja" Zavidovići u narednoj 2023.godini.

Dr Kaknjašević također je predložio da će se kao vijećnik za zalagati za uvrštavanje u Budžet Grada, konto za nabavku defibrilatora ozbiljnijeg kapaciteta, što bi unaprijedilo sistema zdravstvene zaštite na području grada.

Dr Amira Hadžić također je iznijela zamjerku da je nemedicinski dio Savjeta pasivan i da je potrebno da nametne više tema u cilju unaprijeđenja zdravlja populacije koju predstavljaju jer stručni dio Savjeta ne može znati njihove potrebne ukoliko su predstavnici udruženja, mladih i penzionera pasivni. Medicinski dio savjeta je tu na raspolaganju za sve sugestije.

Članica Savjeta Amira Ćatić ocijenila je rad Savjeta zadovoljavajućim, te istakla da je kroz rad udruženja "Budućnost-ZA" provodila određene aktivnosti udruženja, te da je zadovoljna podrškom Savjeta na realizaciji istih aktivnosti.

Nermana Avdičević i Manuela Vošanović istakle su da je rad Savjeta zadovoljavajući te da je Savjet uspješno ostvario zacrtani godišnji plan rada.

III ZAKLJUČCI I SMJERNICE RADA


Zdravstveni savjet lokalne samouprave, u skladu sa postojećim pozitivnim propisima, temelji se na relaciji između lokalne samouprave, davaoca zdravstvenih usluga i krajnjih korisnika zdravstvenih usluga.

Zakon predviđa da se zdravstveni savjeti bave zaštitom prava pacijenata i zdravstvenih radnika, nezavisno od politike, zdravstvenih institucija i ustanova, proizvođača medicinske opreme i lijekova...itd.

Uvažavajući gore navedeno, Zdravstveni savjet Grada Zavidovići je izvršio donošenje daljnjih zaključaka i smjernica rada:

1. Sačiniti plan i program rada za naredni izvještajni period-2023.godina;
2. Unaprijediti sistem palijativne skrbi na području grada;
3. Uvrštavanje u Budžet Grada transfera za nabavku defibrilatora ozbiljnijeg kapaciteta;
4. Aktivnije učešće nemedicinskog dijela Savjeta;
5. Aktivnije učešće javnosti u smislu iznošenja preporuka i sugestija Savjetu.

Predsjednik Zdravstvenog savjeta
Grada Zavidovići
Muamer Hasić, prof.



Dostavljeno:

1. Gradonačelnik Zavidovići;
2. Gradsko vijeće Zavidovići;
3. Ministarstvo zdravstva Zeničko-dobojskog kantona;
4. Zdravstveni savjet Zeničko-dobojskog kantona;
5. Članovima Zdravstvenog savjeta Grada Zavidovići,
6. a/a.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
GRADSKO VIJEĆE



**Komisija za društvene djelatnosti,
ljudska prava, mlade i
ravnopravnost spolova**

Broj: 01-04-978/23-AP-2

Datum: 18.04.2023. godine

Na osnovu člana 16. i 17. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022), člana 33. i 47. Poslovnika o radu Gradskog vijeća Zavidovići – novi prečišćeni tekst („Službeni glasnik Grada Zavidovići“, broj: 7/22 i 1/23), Komisija za društvene djelatnosti, ljudska prava, mlade i ravnopravnost spolova na 14. sjednici održanoj dana 18.04.2023. godine, razmatrala je Izvještaj o radu Zdravstvenog savjeta Grada Zavidovići za 2022. godinu, pa nakon rasprave donijela

ZAKLJUČAK

1. Komisija za društvene djelatnosti, ljudska prava, mlade i ravnopravnost spolova prihvata Izvještaj o radu Zdravstvenog savjeta Grada Zavidovići za 2022. godinu.
2. Izvještaj o radu Zdravstvenog savjeta Grada Zavidovići za 2022. godinu, dostavlja se predsjedavajućem radi uvrštavanja u dnevni red sjednice Gradskog vijeća.
3. O realizaciji ovog Zaključka starat će se Stručna služba Gradskog vijeća.

PREDSJEDNIK KOMISIJE

Haris Ibrić